

唐雎说信陵君

国策

信陵君杀晋鄙、救邯鄲、破秦人、存赵国、

秦围赵之邯鄲、魏使晋鄙将兵救赵。畏秦止于荡阴。公子无忌椎杀晋鄙、将其军进击秦、秦军遂引去。

○我有德。

赵王自郊迎。

人德我。唐雎

谓信陵君曰、臣闻之曰、事有不可知者、有

不可不知者、有不可忘者、有不可不忘者。

陡下四语、无头无尾、奇绝。

信陵君曰、何谓也。

对曰、人之憎我也、不可不知也、我憎人也、不可得而知也。

人不能知。人之

有德于我也、不可忘也、吾有德于人也、不可不忘也。

二段、上一段是宾、下一段是主。下段、上一句是宾、下一句是主。

今君杀晋鄙、救邯鄲、破秦人、存赵国、此大德也。今赵王自郊迎、

卒^{同猝}然见赵王、愿君之忘之也。

上二段是虚、此一段是实。

信陵君曰、无忌谨受教。

谓信陵君、只须说不可不忘、却先说不可忘。亦只须说不可忘。不可不忘、却又先说不可不知不可得而知。文有宽而不懈者、其势急也。词有复而不板者、其气逸也。